


Jacob shinaidi Esaúmunda

Parte 1
Génesis 25:19-34



Isaacga Rebecan
unida kazadu gashash
maradaga nima na
charigachu. Isaacga
marada charingu
Diosta mañaki, Diosga
paibuj munushkada
kugami.




Isaacmu Dios
kushkada, Rebeca
yachi chayushaga
ishki marada
charinada criga.
Narij wacharishaidi
maragunaga
mamaj iksabidi
takanukusha gaga.



Imamunda shina
gashkada Diosta
Rebeca mañaguki
Diosga, “Kambuj
iksabi ishki tiyaj
maragunaga ishki
llaktagunami.
Ligítimuj
wawagunaga
puchukaibuj
wawagunada
sirvinga.”



Rebecaga ishki
marada miruga.
Ligítimu churiga
puka millmayuj
gaga. Paidaga
Esaú nisha
shutichiga.



Puchukai
churiga Esaubuj
chaki talunda
makin charirishka
wachariga.
Paidaga Jacob
nisha shutichiga.



Uni k'ipaga
maraguna
jatunllagunamiga.
Esauga karubi gaj
animalgunada
japisha purijmiga;
shinushkamundaga
wasibiga na yalli
gajchuga.



Jacobga na shina
gagachu, pidash
na p'íñachijchuga,
ashtangarin wasi
kuchullabi purij
gaga.




Taita Isaacga
karubi gaj
animalgunada
wasibi yanungu
Esaú apamuj
gashcadaga chida
munuga. Paibuj
ishki churimundaga
yalli Esauda Ilakiga.




Kutin
Rebecaga
Jacobda
Ilakiga.




Shuj p'unlla
wasibi aichada
purutun
mikunallada
Jacob yanuguki
Esauga tuki
p'unlla purisha
chayamuga.



Esauga yarijin
gashkamundaga
yanushkada karachun
Jacobda mañuga.
Jacobga, “Ña shinaga.
Kan ligítimu
gashcamunda ima
tiyashkada japinada
ashtan ñukamu
kuchun kanlladi, ‘Ari ‘
ni,” niga.




Ñauba
 p'unllagunabiga taita
 wañuki, ligítimo
 churiga chawbi yalli
 ima tiyashkada japiga.
 Paibuj tuki familiadash
 pushuj, na gashaga
 manduj tukuga.
 Shinushkamundaga
 ligítimu churi ganaga
 manchanaidi allimiga.



Esauga,
“Yarijimunda
wañugunindi,
shinushkamundaga
ligítimu churi
gashkaga
ñukamunga imash
na ganchu,” niga.



Shinushami
Esauga ligítimu
churi gashkamunda
ima japinada
ashtan Jacob
japichun paibuj
ñaubuki 'Ari' niga.



Jacob yanushkada
micushka k'ipaga
rigallami.
Esauga ligítimu churi
imaj gashkadaga na
yuyajchuga, ashtan
iksada
jundachingajlla
munuga.



Jacob shinaidi Esaúmunda (parte 1)

Si quieres leer mas,
vaya al primer libro
del Antiguo
Testamento y leer
Génesis 25:19-34

Biblical illustrations by Jim Padgett,
courtesy of Sweet Publishing, Ft. Worth TX
and Gospel Light, Ventura, CA
Copyright 1984. All rights reserved.
Additional illustrations by Carolyn Dyk.